

اتوار 26 جولائی، 2026

مضمون۔ سچائی

سنہری متن: عبرانیوں 10 باب 23 آیت

”تے آس دے اقرار نوں مضبوطی نال پھڑکے رکھے کیوں جے جنسے وعدہ کیتا اے اوہ سچا اے۔“

جوابی پڑھائی: نوحہ 3 باب 22 توں 26 آیتاں

لوقا 16 باب 10 آیت

22۔ ایہہ خداوندی شفقت اے پئی اسی فنائیں ہوئے کیوں جے اوہدے رحم دا اخیر نہیں۔

23۔ اوہ ہر سویر نوں تازہ اے۔ تیری وفاداری وڈھی اے۔

24۔ میری جند نے آکھیا میرا حصہ خداوند اے! ایس لئی میری آس اوہدے توں ای اے۔

25۔ خداوند اوہناں اُتے مہربان اے جیہڑے اوہدی اڈیک کردے نیں۔ اوس جند اُتے جیہڑی اوہدی طالب اے۔

26۔ ایہہ واوالے پئی بندہ آس رکھن والا اے تے چپ کر کے خداوند دی ملتی دی اڈیک کرے۔

10۔ اوہ جیہڑا تھوڑے توں تھوڑے وچ وی دیانتدار اے اوہ بوہتے وچ وی دیانتدار اے۔

درسی وعظ

بائبل وچوں

1- 2 تیمتھیس 1 باب 14 آیت

14- پاک روح دے پاروں جیہڑا ساڈے وچ وسیا ہو نیا اے ایس چنگی امانت دی حفاظت کر۔

2- اعمال 16 باب 9، 10، 13 توں 15 آیتاں

9- تے پولوس نے رات نوں رويا وچ ویکھیا پئی اک مکدونی بندہ کھلو کے اوہدی منت کر کے آکھدا اے پئی پارا تر کے مکدونیہ وچ آتے ساڈی مدد کر۔

10- اوہدے رويا ویکھدیاں ای اسی چھیتی نال مکدونیہ وچ جان دا ارادہ کیتا کیوں جے اسی ایہدے توں ایہہ سمجھے پئی رب نے اوہناں نوں خوشخبری دین لئی ساہنوں بلایا اے۔

13- تے سبت دے دن شہر دے بوہے دے باہر ندی دے کنڈے گئے جتھے سمجھے پئی دعا کرن دی تھاں ہووے گی تے بیٹھ کے اوہناں بڑھیاں نال جیہڑیاں اکٹھیاں ہوئیاں سی کلام کرن لگے۔

14۔ تے تھوڑا تیرہ شہر دی اک رب نوں منن والی بڈھی لمدیہ نال دی قمر و پچن والی وی سن دی سی۔ اوہدا دل رب نے کھولیا پئی پولوس دیاں گلاں اُتے دھیان کرے۔

15۔ تے جد اوہنے اپنے خانوادے سمیت بپتسمہ لے لیا تے منت کر کے آکھیا پئی جے تسی مینوں خداوند دی ایماندار بندی من دے اوتے چل کے میرے گھر وچ رہو۔ ایس لئی اوہنے ساہنوں مجبور کیتا۔

3۔ 2 تیمتھیس 4 باب 1 توں 5 (توں پہلی، 7، 8 آیتاں)

1۔ رب تے مسیح یسوع نوں جیہڑا جیوندیاں تے مویاں دی عدالت کرے گا گواہ کر کے تے اوہدے ظہور تے بادشاہی نوں یاد دلا کے میں تینوں تاکید کرداواں۔

2۔ پئی توں کلام دی منادی کر۔ ویلے کویلے مستعد رہ۔ ہر طراں دے تھل تے تعلیم دے نال سمجھا دے ملامت تے نصیحت کر۔

3۔ کیوں جے اجیہا ویلہ آئے گا پئی لوکی چنگی تعلیم برداشت نہیں کرن گے بلکہ کناں دی کھرک پاروں اپنیاں اپنیاں خواہشاں دے مطابق بوہت سارے استاد بنالین گے۔

4۔ تے اپنے کناں نوں سچائی ولوں پھیر کے کہانیاں ول دھیان دین گے۔

5۔ پرتوں ساریاں گلاں وچ ہوشیار رہ۔ دکھ سہ۔ بشارت داکم پورا کر۔ اپنی سیوانوں وی پورا کر۔

7۔ میں چنگی لڑائی لڑ لئی اے۔ میں دوڑنوں مکا لیا اے۔ میں ایمان نوں محفوظ رکھیا اے۔

8۔ اگاں توں میرے لئی راستبازی داتا ج رکھیا ہو نیا اے جیہڑا عادل منصف یعنی خداوند مینوں اوس دن دیوے گاتے بس مینوں ای نہیں بلکہ اوہناں ساریاں نوں وی جیہڑے اوہدے ظہور دی تاہنگ رکھدے نیں۔

4۔ متی 24 باب 2 (توں پہلی، آیت)

بائبل دا ایہہ سبق پلین فیلڈ کرچن چرچ، آزاد ولوں تیار ہو یا اے۔ ایہہ کنگ جیمز بائبل ویاں آیتاں تے میری یکیر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

2۔ تے یسوع نے جواب وچ اوہناں نوں آکھیا،

5۔ متی 25 باب 14، 15، 19 توں 24 (توں دوسری)، 25 (میں)، 26 (توں دوسری)، 28، 29 آیتاں

14۔ کیوں جے ایہہ اوس بندے ورگا حال اے جسے پردیس جان دیاں ہوئے اپنے گھر دے نوکراں نوں بلا کے اپنے گھر داماں اوہناں دے حوالے کیتا۔

15۔ تے اک نوں بیچ توڑے دتے، دو جے نوں دو تے تیجے نوں اک یعنی ہر اک نوں اوہناں دی سمجھ دے مطابق دتا تے پردیس نوں ٹر گیا۔

19۔ بڑے چراں بعد اوہناں نوکراں داماں پر ت کے آیتے اوہناں کو لوں حساب لین لگیا۔

20۔ جنہوں بیچ توڑے ملے سی اوہ بیچ توڑے ہو رلے کے آیتے آکھیا اے خداوند! توں بیچ توڑے میرے حوالے کیتے سی۔ ویکھ میں بیچ توڑے ہو ر کمالے۔

21۔ اوہدے مالک نے اوہنوں آکھیا اے چنگے تے ایماندار نوکراں شہر! توں تھوڑے وچ دیانتدار رہیا۔ میں تینوں بوہت ساریاں شیواں دا مختار بناناواں گا۔ اپنے مالک دی خوشی وچ شامل ہو۔

22۔ تے جنہوں دو توڑے ملے سی اوہنے وی کول آکے آکھیا اے خداوند توں دو توڑے مینوں دتے سی۔ ویکھ میں دو توڑے ہو ر کمالے۔

23۔ اوہدے مالک نے اوہنوں آکھیا اے چنگے تے ایماندار نوکراں شہر! توں تھوڑے وچ دیانتدار رہیا۔ میں تینوں بوہت ساریاں شیواں دا مختار بناناواں گا۔ اپنے مالک دی خوشی وچ شامل ہو۔

24۔ تے جنہوں اک توڑا ملیا سی اوہ وی کول آکے آکھن لگیا اے خداوند میں تینوں جان داواں توں سخت بندہ ایس تے جتھے نیں بویا او تھوں ای وڈھدا ایس تے جتھے نیں سٹیا او تھوں ای اکٹھا کردا ایس۔

- 25۔ ایس لئی میں ڈر گیا سی تے جا کے تیر اتوڑا دھرتی وچ لکو چھڑیا۔ ویکھ جیہڑا تیرا اے اوہ پیارے۔
- 26۔ اوہدے مالک نے جواب وچ اوہنوں آکھیا اے شیریر تے سست نوکرا!
- 28۔ ایس لئی ایہدے توں اوہ توڑا لے لوو تے جیدے کول دس توڑے نیں اوہنوں دے دیو۔
- 29۔ کیوں جے جیدے کول ہے اے اوہنوں دتا جاوے گا تے اوہدے کول بوہتا ہو جاوے گا پر جیدے کول نہیں اے اوہدے توں اوہ وی جیہڑا اوہدے کول اے لے لیا جاوے گا۔

6۔ مکاشفہ 19 باب 1، 2 (توں: 5، 11، 16 آیتاں)

- 1۔ ایہناں گلاں توں بعد جیویں میں آسمان توں اک وڈھی جماعت نوں اُچی آواز وچ ایہہ آکھیاں سنیا پئی ہیلیلویاہ! مکتی تے جلال تے قدرت ساڈے رب دی ہی اے۔
- 2۔ کیوں جے اوہدے فیصلے سچے تے ٹھیک نیں۔
- 5۔ تے تخت وچوں ایہہ آواز نکلی پئی اے اوہدے توں ڈروالے بند یو بھانویں نکے او تے بھانویں وڈھے! تسی سارے ساڈے رب دی وڈیائی کرو۔
- 11۔ فیر میں آسمان نوں کھلیا ہونیا ویکھیا تے کیہ ویکھدا آں پئی اک چٹا گھوڑا اے تے اوہدے اتے کوئی بیٹھا اے جیہڑا سچا تے برحق اکھواندا اے تے اوہ راستی نال انصاف تے لڑائی کردا اے۔
- 16۔ تے اوہدے کپڑیاں تے ران اُتے ایہہ نال لکھیاں ہوئے گا پئی بادشاہواں دا بادشاہ تے خداوند دا خداوند۔

7۔ 2 پطرس 1 باب 2 توں 4 (توں: آیتاں)

- 2۔ رب تے ساڈے خداوند یسوع دی پچھان دے پاروں فضل تے اطمینان تہانوں بوہتا ہندوار ہووے۔
- 3۔ کیوں جے اوہدی الہی قدرت نے اوہ ساریاں شیواں جیہڑیاں حیاتی تے دینداری نال تعلق رکھدیاں نیں ساہنوں اوہدی پچھان دے راہیں دیتیاں نیں جنہے ساہنوں اپنے خاص جلال تے نیکی دے راہیں بلایا۔
- 4۔ جنہاں دے پاروں اوہنے ساڈے نال بوہت قیمتی تے بڑے وڈھے وعدے کیتے تاں جو اوہناں دے راہیں تسی اوس خرابی توں بچ کے جیہڑی جگ وچ وڈھی خواہش دے پاروں اے الہی ذات وچ شریک ہو جاوے۔

سائنس تے صحت

1۔ 12-10:254

جدوں اسی صبر نال رب دی اڈیک کردے آں تے راستبازی نال سچائی نوں لہجھدے آں تے اوہ ساڈی راہ وچ ہدایت کردا اے۔

2۔ 12-1:201

ہن تیکر داود دھیا و عظیم دی تعلیم دتی گئی اے اوہ سچائی اے جیدا اظہار تے مشق پاپ، بیماری تے موت دی تباہی نال ہوئی اے۔ ایہہ سارا کجھ جان دیاں ہوئے تے ایہدے نال نال ایہہ وی جان دیاں ہوئے پئی ساڈی اک رغبت

ساڈے اندر اعلیٰ اے تے اوہ ساڈی حیاتیاں وچ اگے ودھدی اے، یسوع نے آکھیا، ”کوئی بندہ دواکاں دی سیوا نہیں کر سکدا“۔

اسی جھوٹیاں بنیاداں اُتے محفوظ مکان نہیں بناسکدے۔ سیچائی اک نویں مخلوق بناؤندی اے، جیدے وچ پرانیاں شیواں جاندىاں رہندیاں نیں تے ”ساریاں شیواں نویاں ہو جاندىاں نیں۔“ جذبے، خود غرضی، نفرت، ڈر، ہر سنسنی خیزی، روحانیت نوں تسلیم کردے نیں تے ہستی دی افراط رب، یعنی چنگلیائی ولوں اے۔

3- 27-22:10

شفاد الہی اصول کسے وی سیچائی دے ایماندار طالب دے ذاتی تجربے وچ ثابت ہندا اے۔ ایہدا مقصد چنگا اے، تے ایہدی مشق بوہتی محفوظ تے کسے وی دوجے صفائی دے طریقے دی نسبت بوہتی اثر رکھدی اے۔ غیر جانبدار مسیحی سوچ نوں چھیتی ای سیچائی دے راہیں چھولیا جاندا اے تے ایہنوں قائل کر لیا جاندا اے۔

4- 19-14:368

جدوں اسی غلطی توں بوہتا حیاتی دی سیچائی اُتے بھروسہ کردے آں، مادے توں بوہتا روح اُتے بھروسہ کردے آں، مران توں بوہتا جین اُتے بھروسہ کردے آں، انسان توں بوہتا رب اُتے بھروسہ کردے آں، تے کوئی مادی مفروضے ساہنوں بیماراں نوں شفا دین تے غلطی نوں تباہ کرن توں روک سکدے۔

5- 24-9:367

مسیح دی شفا دی لا متناہی سیچائی ایس زمانے تیکراک ”دبی ہوئی ہلکی آواز“ دے راہیں، خاموش خیالاں دے راہیں تے اوس الہی مسح دے راہیں اپڑی جیہڑا مسیحت نوں فائدہ دین والے اثران نوں تیز کرداتے ودھاؤندا اے۔ میں میری آس دے پورا ہون نوں دیکھن، یعنی، لودی ایس کرن دے اُچے ہنر دیکھن دی تاہنگ رکھداواں۔

کیوں جے سیچائی لا متناہی اے، ایس لئی سیچائی نوں کجھ وی نہ سمجھیا جانا چاہیدا اے۔ کیوں جے سیچائی چنگیائی وچ قادر مطلق اے، تے غلطی، جیہڑی سیچائی دی مخالف اے، اوہدے وچ کوئی طاقت نئیں اے۔ پر بریائی کجھ نہ ہوون دے برابر اے۔ بوہت وڈھی غلطی بوہت اُچی چنگیائی دی جعلی مخالف اے۔ سائنس توں جمن والا اعتماد ایس اصلیت وچ لگیا اے پئی سیچائی اصلی اے تے غلطی غیر اصلی۔ غلطی سیچائی دے سامنے ڈرپوک اے۔ الہی سائنس ایہدے اُتے زور دیندی اے پئی ویلہ ایہہ سب کجھ ثابت کرے گا۔ سیچائی تے غلطی دونوں انسان دی سوچ توں کتے بوہتے نیڑے ہوئے نیں، تے سیچائی فیروئی واضح تر ہندی جاوے گی کیوں جے غلطی اپنے آپ نوں برباد کرن والی اے۔

6- 31:322 (ایہہ)۔ 32 اگلا صفحہ

کسے بندے دا اپنے آپ نوں غلطی توں بچان دی بجائے سیچائی دی تاہنگ کرنا بوہتا سوکھا اے۔ انسان کر سچن سائنس دی سیان نوں لہھ سکدے نیں، پر اوہ کر سچن سائنس وچوں ہستی دیاں حقیقتاں نوں کوشش دے بغیر چنن دے قابل نئیں ہوون گے۔ ایہہ اختلاف ہر طراں دی غلطی نوں چھڈن تے چنگیائی دے علاوہ کوئی دوجا شعور نہ رکھن دی کوشش کرن نال بنیا اے۔

محبت دی صحت دین والی ملامت دے راہیں راستبازی، امن تے پاکیزگی ول ساڈے ودھن وچ مدد کیستی جاندی اے، جیہڑے سائنس دے امتیازی نشان نیں۔ سیچائی دے بوہتے کماں نوں دیکھدیاں ہوئے، اسی رُکدے آں، رب دی

اڈیک کردے آں۔ فہر اسی اوس ویلے تیکرا گے ودھدے آں جدوں تیکر لا محدود خیال وجد وچ نہیں آؤندا، تے غیر مصدقہ نظریے نوں الہی جلال تیکر اُچانئیں اُڑایا جاندا۔

ہور سمجھن لئی، جو اسی پہلاں توں جان دے آں اوہنوں ہور عمل وچ لیاؤنا پوے گا۔ ساہنوں ایہہ یاد رکھنا پوے گا پئی سچائی نوں جد سمجھیا جاندا اے تے اوہ اثبات دے قابل ہووے گا، تے ایہہ پئی چنگیائی تد تیکر نہیں سمجھی جاندی جد تیکر اوہنوں ظاہر نہ کیتا جاوے۔ جے ”تھوڑے وچ دیا نندار آں“، تے ساہنوں بوہتے دا مختار بنایا جاوے گا؛ پر اک نہ ورتی جان والی خوبی فنا ہو جاندی اے تے گواچ جاندی اے۔ جدوں بیمار یا پاپی اپنی لوڑ دی اوس شے لئی اپنے آپ نوں جاگیا ہو یا محسوس کردے نیں جیہڑی اوہناں دے کول نہیں ہندی، تے اوہ الہی سائنس نوں منن والے ہوون گے، جیہڑی روح ول کشش رکھدی اے تے مادی سیان توں دور ہندی جاندی اے، بدن وچوں خیالاں نوں مکادیندی اے، تے فانی سیان نوں بیماری یا پاپ دی نسبت کسے چنگی شے دی فکر لئی اُچا کردی اے۔ رب دا اصلی خیال جیتی تے پیار دی اصلی سمجھ دیندا اے، جت دی قبر نوں لے لیندا اے، سارے پاپاں تے ایس دھوکے نوں دور کردیندا اے پئی ایہتھے ہور سیاناں وی موجود نیں تے ایہہ فانیت نوں نیست کردا اے۔

کر سچن سائنس دے اثر اینہے دیکھے نہیں جاندے جنہے محسوس کیتے جاندے نیں۔ ایہہ سچائی دی ”دبی ہوئی ہوئی آواز“ اے جیہڑی اپنے آپ نال گل کردی اے۔ یاتے اسی ایس آواز توں دور نس رہئے آں یا اسی ایہہ سن رہئے آں تے اُچے ہو رہئے آں۔

7 - 32-26:372

کر سچن سائنس وچ، سچائی توں انکار جان لیوا اے، جدوں پئی سچائی دا اک عادل اعتراف تے جو کجھ اوس سچائی نے ساڈے لئی کیتا اے اک موثر مدد اے۔ جے غرور، توہم پرستی یا کوئی وی غلطی حاصل ہوون والے فائدیاں دی ایماندار پچھان نوں روکدے نیں تے ایہہ بیمار دی شفا یابی تے طالب علم دی کامیابی وچ اک رکاوٹ ہووے گی۔

8- 19-9:862

جے کوئی طالب علم اک پاسے سچائی دیاں تعلیمات اُتے عمل کرن لئی دور جاندا اے، اپنے فائدیاں نوں رب تے دولت دے وچکار ونڈ دیاں ہوئے تے اپنے آپ دے خیالاں نوں سچائی لئی بدل دیاں ہوئے، تے اوہ خود بخود اس غلطی نوں وڈھے گا جیہڑی اوہ بوند اے۔ جیہڑا وی کر سچن سائنس دی شفا دا اظہار کردا اے اوہ نوں ایہدے اصولاں اُتے سختی نال عمل کرنا چاہیدا اے، ہر فقرے اُتے توجہ دینی چاہیدی اے، تے رکھیاں ہوئیاں نیواں توں اگے ودھنا چاہیدا اے۔ ایس کم وچ نہ کجھ اوکھا اے تے نہ کجھ سخت اے، جدراہ وکھادتی جاوے، پر اپنے آپ دی انکاری، تابعداری، مسیحت تے مستقل مزاجی کھلے ای انعام جت لیندے نیں، جیویں اوہ عام طور تے حیاتی دے ہر پہلو وچ کردے نیں۔

9- 30-10:568 (توں؛)

اپنے آپ دی منسوخی، جیدے پاروں اسی غلطی دے نال اپنی جنگ وچ اپنا سب کجھ سچائی یا مسیح دے حوالے کر دینے آں، کر سچن سائنس دا اصول اے۔ ایہہ اصول وضاحت کردا اے رب دی الہی اصول دے طور تے یعنی حیاتی پیودی پیش کردہ، سچائی دے طور تے، پتر دی پیش کردہ، تے محبت دے طور تے ماں دی پیش کردہ۔ ہر انسان نوں کسے نہ کسے ویلے، ایہتھے یا آخرت وچ، رب دے مخالف طاقت اُتے فانی عقیدے دے نال نہرناں تے اوہ نوں فتح کرنا چاہیدا اے۔

ایہہ آیت پئی، ”تو تھوڑے وچ دیانتدار رہیا۔ میں تینوں بوہت شیواں دا مختار بنانواں گا“۔ مند پوری ہندی اے جداسی سچائی دی بالادستی نال واقف ہن آں، جیدے نال غلطی دا خالی پن وکھالی دیندا اے؛

10- 14-9.5-1:21

جے تہاڈی ہر روز دی حیاتی تے گل بات وچ سچیائی غلطی اُتے فتح پارہی اے، تے تسی اخیریں آکھ سکدے اوپئی،
 ”میں چنگی کشتی لڑ لئی اے۔۔۔ میں ایمان نوں محفوظ رکھیا“، کیوں جے تسی اک چنگے انسان او۔ ایہہ چنگلیائی تے
 ایسدے وچ حصہ پاؤن والی گل اے۔

جے چیلار روحانی طور تے ترقی کر رہیا اے، تے اوہ اندر آؤن دی کوشش کر رہیا اے۔ اوہ مادی حس توں دور ہوون دی
 لگاتار کوشش کر رہیا اے تے روح دیاں ناگن والیاں شیواں نوں لبھ رہیا اے۔ جے ایماندار اے تے اوہ ایمانداری نال
 ای شروع کرے گاتے ہر دن ٹھیک پاسے ای جاوے گا جدوں تیکر کہ اخیریں اوہ خوشی دے نال اپنا سفر پورا نہیں کر
 لیندا۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”میری بادشاہی آوے؛“ الہی سچائی، حیاتی تے پیاردی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیارنوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپنوں رد کردیاں ہوئے، سچی پراہ بندی، خیرات پسندی تے معافی نال پیاردیاں مٹھیاں سچیاں داپر چھانواں بن دا اے۔ ایس چرچ دے سارے رکنناں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔